



Dialuna 3 Februari 2014 - Edicion-8 Vol.19320

Sta. Cruz #110 Tel: 585-9500 Fax:585-0951 - E-mail: solodipueblo@gmail.com

1.50



Reina Infantil 2014: Sheqayli Ascencion

Jenylain Boekhoudt di T.O.B. na di 4 finalista, sigui pa Xaiday Colmenares di Pierewietje como e di 3 finalista, Jada van Heinigen di Sta Cruz como e di 2 finalista, Tammy Vrolijk di Noord como 1e finalista, mientras cu Reina Infantil 2014 a keda den persona di Sheqayli Ascencion den representacion di e distrito di Oranjestad

Rey di Tumba 2014: Jerrino Bass Ridderstap Aplauso pe !! Pabien



Compositor ta Jerrino Ridderstap y Ivanaur van der Linden y areglista ta Pedro "Goyo" van der Linden

"Aplauso pe"....Tumba ganador pa Carnaval 60

Jerino "Bass" Ridderstap: Rey di Tumba 2014

Esaki ta di tres vez cu e banda cu D'-Licious ta participa den Festival di Tumba y ta mas di 10 vez cu Jerino Ridderstap mes ta participa como cantante. E aña aki, cu areglo di Pedro "Goyo" van der Linden, cu composicion di Jerino Ridderstap mes y Ivanaur van der Linden, el'a logra bay cu e corona maximo di Rey di Tumba pa prome vez, cu e tumba "Aplauso p'e".

Pa e banda mes, e logro aki sin duda ta corona nan trabao duro, nan preparacion intensivo, ensayonan, sacrificio y perseverancia pa logra crece den e mundo musical di nos isla. D'Licious ta compaña e grupo di Don Flip Racing den paradanan di mucha mientras cu nan lo toca pa e grupo Majestic durante paradanan di hende grandi.

Letranan di e tumba ganador ta como lo siguiente: *Si mi por a warda henter dia den solo, Pa wak bo bunitesa y admira bo, Bo ta un inspiracion pa mi pais, Curason di Carnaval, Awe nos t'ey pa admira bo. Ma nace ta conoce bo caba.*

Coro: Bo ta un strea cu ta briya leu den horizonte. Bo te cara di nos pida baranca. Coro: Bo ta imagen riba pia cu rond mundo ta bin mira

Awe bo ta bay demostra. Coro: Bo beyeza carnaval. Riba tur ruta cu bo pasa. Coro: Tin

historia a keda tras. Bo bunitesa y grandesa. Coro: Ta luci te den exterior. Via radio y television. Coro: Den corantnan publico. Esta briyante, cada aña mas bunita bo ta. Coro: Mi kier pa bo wak'e, Wak'e, Wak'e Wak'e pasa (3x). Wak'e (4x)

Awe ta bo dia. Nos tin cu celebra. 60 aña di carnaval. Ta riba caya e mester ta. Coro: Wak'e pasa, Wak'e pasa

El a subi caya. Ambiente lo bay reina. Awe riba su dia. 60 aña riba pia. Aruba su carnaval. Manera di nos no tin igual. Un aplauso pe. Bishitante saca potret di dje. Nos ta engrandece. Paso ta un so tin di dje. Pone man nan hunto. Dun'e su honor. Ban pone man nan hunto. Dun'e su honor. Carnavalistanan

Coro: Aplauso. Tur hende. Bati bo man pe. Paso e merece. Ora e parada pasa. Cu tur banda musical. Ora e Reina saluda. Prins y Pancho cuminda. Guponan luhoso di carnaval. Cu tur aña ta resalta. Carosanan presente. Masa yen di ambiente. 60 Nos ta celebra. Den grandi nos ta festeha. 60 nos ta celebra. Baila y gosa unda cu ta.

Aplauso pe. Bati bo man pe. Aplauso pe. Paso e merece. Coro: Aplauso (3x) Aplauso pe. D-D-D'-Licious Sinti'eee.



Un total di 36 cantante a competi

Festival di Tumba 2014 a kibra tur expectativa

SAC lo paga mas o menos 50 mil florin na premio entre e ganadornan



Den un Aruba Entertainment Center yen di un publico bon anima y satisfecho di e calidad di e organizacion, di e presentacion y di e letranan di cada tumba, asina Caranaval 60 a logra saca su Rey di Tumba 2014. Un hoben, Jerrino Ridderstap, a logra convence e huradonan cu su tumba, tanto pa composicion, areglo, letra y presentacion, tabata esun mihor.

Despues di un anochi masha exitoso, e cuerpo di hurado a repasa tur e 36 participantenan den e Festival y a huzga e mihonan. Como cantante cu e mihor disfraz a scoge Chico Kock, banda cu miho uniform tabata "Hijos del Sol". Premio pa e cantante "Rookie of the Year" a bay pa Mark Gonzales. E premio pa "Tumba Loco" a bay pa Manuel da Silva. Den e finalistanan, na di 5 luga a keda Marlon Willems, sigui na di 4 lugar pa Roderick "Rocco" Franken, na di tres lugar tabata Rene Franken, na di 2

luga a keda Chendell Beaumont y como Rey di Tumba a scoge Jerino "Bass" Ridderstap.

Festival di Tumba 2014 ta "powered by" Aruba Tourism Authority (ATA), Setar, Balashi y Aruba Bank y ta organiza pa un comision den SAC cu a ocupa nan mes cu preparacionnan pa un anochi di calidad halto y hopi dibertido. Cu mas participante, tabata bisto cu Aruba Entertainment Center a conta cu un publico hopi mas grandi cu normal. SAC ta masha gradici na e publico cu a sa di sostene e cantantenan y SAC como organisado di e festival. Den e dianan nos dilanti lo tene un evento separa pa por parti e premionan na cada un di e ganadonan. Mester bisa adelanta cu SAC a aloca un suma di mas o menos 50 mil florin cu lo bay na premio pa e ganadonan y pa e bandanan participante.

